

T. 4662.8/623.5(5)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 15 1940

秦蜀兼籌

文告二

CM 0 1 2 3 4 5 6 7 8 9 10 11 12 13 14 15 16 17

Lab D50 2° 95/0/2

81/0/0

66/0/0

51/0/1

35/0/0

20/0/0

29/19/54

55/39/33

42/57/29

82/4/79

51/50/13

50/28/29

38/14/16

66/16/18

50/5/22

43/14/21

55/9/25

71/32/0

62/34/60

40/9/43

52/48/17

31/21/21

72/23/57

73/19/68

Harvard College Library/Imaging Services <http://imaging.harvard.edu>

武職條約

從來捍衛疆圉全情武備

言到用心經理本部院恭奉

簡命務節西來仰蒙

聖訓周詳無微不至總以重餉練兵修戈選士整飭

營伍為第一要務凡所屬標鎮協營大小官弁

各宜上思

朝廷養養深恩不念兵丁戍防勞苦訓練體恤寬益

乘施使營伍肅齊士卒精銳地方藉其保障

國軍收其實用方為克盡職責本軍院在任之始

呈上平... 武職條約

從來捍衛疆圉全恃武備况當秦蜀要區尤宜

旨宜用心經理本部院恭承

簡命移節西來仰蒙

聖訓周詳無微不至總以重餉練兵修戈選士整飭

營伍為第一要務凡所屬標鎮協營大小官弁

各宜上思

朝廷豢養深恩下念兵丁戍防勞苦訓練體恤寬猛

兼施使營伍肅齊士卒精銳地方藉其保障

國家收其實用方為克盡職業本部院蒞任之始

哈佛大學漢和
圖書館珍藏印

已經頒示各營通行飭禁第營路繁多示發恐
未能周至且連篇大幅該官弁亦難於省覽今
特刊刻成書再行分布以期共相誠勵各勉遵
行庶無負本部院諄諄化導屬員之意所有條
約開列於左
望脩風一禁虛冒
簡命武職坐糧已經奉
旨定有額數提督八十名總兵六十名副將三十名
叅將二十名遊擊十五名都司十名守備八名
千總五名把總四名此皆我

皇上體恤武臣之特典前古之所未有者大小將弁
自應遵依定數令隨帶親丁照例頂食無容於
額數之外再行多取乃定額通行而各營皆不
遵奉然多取一名則本官冒一名之餉卽少
朝廷一名之兵藐法欺公惟此爲甚嗣後爾各標協
營路官弁俱宜恪遵
功令於額定數目揀選壯健親丁入伍操演少一
名固有不能多一名斷乎不可如遇空糧立卽
募補倘有額外虛冒或以老弱不堪家人充數
塞責者叅拿不貸

一修器械

設餉養兵固在士馬飽騰尤宜甲械整備庶足以壯軍威而收實用查川陝甘各屬器械盔甲等項俱經從前各鎮將逐一添置修整完備具報在案但不留心檢點則糟爛可虞委棄多年則損失必至大凡物修補則易置辦皆難爾各營將弁宜將所轄兵丁旗幟盔甲鑼鍋帳房鎗炮火藥以及一應器械等物須逐加檢點謹慎收藏如有損壞卽行修整以備戰守之用倘或怠忽從事毀棄缺少以致軍儀不整立卽叅究

一勤訓練

士卒弓馬惟練乃精行伍技藝必習始熟本部院前者簡閱兵丁步箭尚有可觀馬箭十無一

天語二此皆疎懶偷安不行訓練所致騎射旣已不堪軍威從何克振其咎全在將領嗣後各標協營宜分營定期或馬箭或步箭或火器輪流操演不得懈怠倘該將弁狃習安閒紀律不申訓習不熟以致營伍廢弛虛糜糧餉定行叅處

面一嚴防汛
營協所管各有汛地必嚴加防範時切巡查保

護民生寧靖地方始稱厥任倘遇盜警即當一面呈報一面追擒巡警嚴則寇盜無從竊發擒拿急則逸賊不致遠颺近奉

諭旨地方文武官員為弭盜安民而設如平日綏輯得宜遇有草竊事發即時查拿除滅自然不至劫奪煌煌

天語當為凜遵嗣後如慢不巡緝至有疎虞或諱強為竊以圖倖免或隱匿推諉縱盜殃民定即叅拿慎毋玩視

一輯兵民

民以養兵兵以衛民總皆一體但文官止曰為備民不留軍家地步武職止知恤伍不肯體恤民情以致兵民爭競滋擾地方深為不法且有因循口角睚眦之忿即結夥行兇以及兵丁之父兄子姪餘丁人等一同扛幫抄嚷生事軍令不嚴皇土溺職已甚本部院總節文武無有偏岐民不安分惟民是責兵不守法惟兵是懲爾為將領者各將所轄兵丁嚴加鈐束務令恪守營規俾兵安於伍民樂於業兵民和協毫無嫌釁本部院以兵民之安否驗將弁之殿最其各凜之母忽

一慎選拔

題補武職原為要地得人起見凡所缺出自宜秉公遴選必弓馬嫻熟技藝優長人材壯健勞績素著之員保送請補我

皇上留心武備雖末員末弁必親加驗試本部院在京面奉

訓旨云題補官員務必選拔真才以收得人之效不得濫行保送

諭旨諄詳特為誠勉所以本部院題明請定武職選拔之例業已奉

旨通行嗣後各宜矢公矢慎選拔真正才能以出征効力為首蓋閱歷行間則軍事諳練且年深俸久亦使勤勞弁卒不致久淹倘將弓馬平常又無出征効力資俸未滿濫行保舉概不准題定將保送官一并叅究

一除扣剋

各營放餉例有文職監散出結除朋扣之外自應足數包封按名唱給不可略有虛假乃各標鎮協營有借公費差使名目仍復坐扣虛糧者亦有於各兵額餉之內扣留短給者以

國家正項錢糧假充冒領以窮兵計日口食之需
扣入官役谿壑之腹不法殊甚嗣後各宜洗心
滌慮廉潔自持若有借稱節儀公用差使供應
冊費等項名色扣尅錢糧者本官叅拏該管上
司一并究處

一嚴頂補

兵糧缺出應先於餘丁從公挑選若無餘丁應
即召募身家殷實之人驗其人材試其技勇選
拔入伍乃不肖將弁扣留糧缺圖賣銀錢每致
無籍棍徒得以混克生事又或懸缺不頂扣餉

吞肥兼有無錢頂賣扣留月餉以作價值者種
種弊端不勝屈指殊不知扣留一餉即爾一分
之贓巧賣一名即取百人之怨不可不慎嗣後
爾將弁宜洗滌肺腸剪除夙弊如遇兵糧缺出
即報開除務選弓馬嫻熟人材壯健者頂補入
伍倘仍蹈舊轍濫賣受錢扣餉婪贓一有發覺
立即叅拏决不寬恕

以上八條宜寓目經心勉力遵照要知今日
之偏裨末員即日後之元戎大帥自命不可
望即自苟且任職須在公勤

聖明自有特達之知本部院亦有不次之舉倘以此
為通行故事禁飭虛名陽奉陰違頑劣不悔
或告發或訪聞勿謂本部院之執法過嚴也
以此置之凡案各自勉旃

刊發川陝甘所屬鎮將大小各營

康熙五十二年十一月

禁止濫差擾民牌

為嚴禁濫差陋弊以除擾害事照得衙役原備
差遣承辦公事然必量事發票擇人簽差方於
公事有濟民生無擾近訪各屬陋弊每遇事件
無論輕重大小一事輒差民壯快手皂隸三班
一同拘攝此皆各役奸謀習久竟成陋例視百
姓為几上之肉倚硃票為攫金之具或簽或票
一經到手聯騎下鄉如狼如虎先索酒食再勒
銀錢稍不遂意因之以鎖禁繼之以鞭扑不飽
其欲不肯罷手煢煢小民未經到官民命幾斃

民財已盡甚至百姓受害難甘有至州縣控告者本官聽役唆使曲為護庇每不禁衙役之婪贓反懲百姓之刁抗縱蠹養奸相習不察此弊各屬有之而臨潼更甚合檄飭查為此仰司官吏查照來文事理即嚴行各府屬及臨潼縣將差遣三班衙役陋弊永行禁革以免騷擾嗣後除命盜重案萬不可緩者許揀選妥役差遣其餘拘審詞訟則令原告領票同地方鄉約自拘如果刁民抗拘不到者原告同地約回官然後差人協拘不許混差衙役下鄉倘有陽奉陰違

以一事擅差三班及以平常細故濫差擾民者該司立即查明揭報以憑叅革究處仍令各具遵依報查施行

行西安按察司

康熙五十三年正月

日

（此處為右頁之空白欄位，僅有極淡之印痕）

申嚴比捕緝盜牌

為比捕緝盜以除奸宄事照得各州縣額設壯
快原以緝盜衛民如遇地方失事聞報立即擒
拿則盜去未遠何難擒獲乃捕役人等平時則
怠惰偷安漫不巡防及至盜發非苛求失主即
嚇詐鄰佑耽延數日而逃盜早已遠颺以致無
從追緝是徒有緝捕之名究無獲盜之實近來
各屬具報失事者盜犯率多未獲總因地方失
事官有叅罰役無處分所以玩忽從事縱盜藏
奸若不立法比究則積習難除玩弛難整合亟

通飭爲此仰司官吏查照來檄事理即轉行所屬各州縣衛所嗣後如遇地方失盜無論強竊該本官立即選差壯快捕役勒定限期跟踪緝拿務在全獲將失事情形并坐巡捕役姓名一併隨詳開報如賊犯不獲該司即指名提拿捕役嚴行比究如再不獲即將該捕役呈解本院盡法懲處從來捕與盜通明知縱逸大非法體文到即令各州縣先將巡緝四路坐地壯快捕役各姓名逐一造冊呈賫查考施行

申報九縣施行西安鞏昌二按察司

康熙五十三年正月

日

秦皇五十二年五月

嚴禁重耗并行限單示
為嚴禁州縣重耗累民并飭花戶遵行限單以
期額賦全完官民兩便事照得本部院下車以
後聞各州縣火耗甚重當發條約通行示禁及
行之數月復加採訪有稍為減輕者有依然如
故者本部院又為出示嚴禁及各員公事進見
又莫不告誡諄諄以期革面洗心共相遵守本
部院之為爾各屬示勸示懲不可不為深且切
矣至查各屬錢糧每多逋欠因思
朝廷正供百姓無不勉力急公其弊總由里長侵漁

差役騷擾以致雜費太多正供缺少故特設限單滾催之法欲使百姓無追呼之擾錢糧無拖欠之累此本部院愛民之實意兼恤屬之苦心也今五十三年錢糧正當開徵之始誠恐貪員藐玩不思改革前非仍復暗加重耗苛取百姓或奸書惡役差蠹里積飛語搖惑阻滯限單縱酷濟貪任蠹翫法事未可定合再通行禁飭爲此示仰州縣衛所官吏紳士軍民花戶人等知悉自今開徵爲始爾本官各將從前重耗悉行減去里長催差盡行革除爾花戶各照限單分

數挨傳滾催自封投櫃如該州縣衛所仍加重耗并有科收派斂累民等弊本部院定將該州縣衛所立即叅拿總計額徵科贓定罪以爲貪員之戒并將收後立斃杖下斷不輕恕若爾百姓不遵限單滾催之法用意沉閣抗欠錢糧者本部院定將該花戶亦即嚴拿鎖解盡法懲處斷不稍寬本部院公正存心官民視猶一體官貪則叅官民頑則懲民法在必行言無不信各宜凜遵毋貽後悔

示發西鳳平慶八府興安一州

甘屬河西五道
各州縣衛所

康熙五十三年正月

宜稟與民說各州縣衛所
康熙五十三年正月
不辭實本特到公五日
本特到宜稟與民說
不辭實本特到公五日
員之亦在沐外於五
不辭實本特到公五日
員之亦在沐外於五
不辭實本特到公五日
員之亦在沐外於五

申飭起送甘屬流移牌

為申飭起送甘屬流移事案照甘屬固原靖遠
等處去歲夏田少雨秋禾又復失收是以飢民
每多流移西鳳地方就食節據所屬州縣紛紛
詳報有聞本地方賑濟情願回籍當經給資起
送者亦有因時值寒冬婦女孩提難以行走不
願回籍暫為留養者本部院俱經批令聽其自
便留養在案今時值春和正及時耕種之候自
應各回原籍復業但恐饑民在外日久一旦歸
里房屋倒毀棲身無所餬口無資兼無籽種牛

具終非安全之計本部院已經繕疏具

題自二月起至六月終止饑民每大口日給糧三合小口二合按日給發口糧以爲養贍至於田地無籽種者每畝給糧五升無牛具者每頃給銀三兩見今行令地方官將地畝實數查報如或有房屋倒毀無可棲身者併令地方官捐修安插等因除檄行鞏昌藩司轉飭各地方官遵照外合行飭知爲此仰司府官吏查照牌內事理即通飭所屬凡有從前留養饑民及新復流移到境者俱一一傳齊到案將本部院

題明散給口糧籽種牛具安插等緣由明白曉諭令其各回原籍耕種復業以待秋收該州縣仍遵照前檄每大口給銀五錢小口三錢以作路費文到即逐一起送回籍併移前途州縣知會每日量給日食口糧護送前進不許差役凌逼勒索苦累該州縣起送完日將給過路費銀兩彙總合算起具文批通報以憑掛發藩司抵解正賦本部院會同 陝撫都院公捐補還司庫如該州縣不實心奉行或有疎忽逼勒凌虐混散冒領等弊該司府立即揭報定行叅究不貸

慎之母忽

行西安布政司

西安鳳翔二府

康熙五十三年正月

朕聞有司之責在於養民而民之困窮由於官吏之貪婪

今聞有司之責在於養民而民之困窮由於官吏之貪婪

今聞有司之責在於養民而民之困窮由於官吏之貪婪

今聞有司之責在於養民而民之困窮由於官吏之貪婪

今聞有司之責在於養民而民之困窮由於官吏之貪婪

今聞有司之責在於養民而民之困窮由於官吏之貪婪

今聞有司之責在於養民而民之困窮由於官吏之貪婪

今聞有司之責在於養民而民之困窮由於官吏之貪婪

申飭逼勒起送流移牌

為再行通飭事案照甘屬固原靖遠等處去歲夏秋失收民多流移西鳳地方就食除情願回籍者隨時捐資起送外內有因天氣嚴寒行走艱難暫行留養者本部院以此時正值春和乃耕種及時之候業經檄行該司府查明給資起送在案但其中或有原籍無田地可種及現今在此傭工餬口及倚依親屬可以度日不願回籍者若一槩送回到籍無資反致艱難此等窮民應仍聽其暫留合再通飭為此仰司府官吏

查照牌內事理卽轉飭所屬各州縣將留養飢
民內逐名查詢明確如情願回籍者遵照前檄
立即起送如原籍無倚此地暫可度日不願回
籍者聽其留住不得一概强行逼勒回籍仍令
各將詢明起送暫留過人口數目分別通報查
考施行

行西安布政司

西安鳳翔二府

康熙五十三年正月

日

再飭詢明流移籍貫分別留寓牌
爲再行通飭事案照甘屬固原靖遠等處被災
饑民去歲流移西鳳地方本部院因念盤費無
出道路顛連已經會同陝撫都院捐資起送
去年各屬留養過冬者本部院現在起送外其
在甘屬地方者應聽甘撫都院自行撫卹安
插業經會疏具
題在案查現今甘屬流移俱應由甘撫都院給
資起送其飢民內或有原係西鳳等府之民在
甘屬地方轉雇傭工者彼處既不散糧又不安

插與彼地飢民混雜飄流深屬未便應卽詢明
原籍州縣里甲住址地方送回西鳳原籍復業
若在彼久居入籍有田地產業及商賈貿易不
願回籍者又當聽其自便不得一概強行逼勒
合再通飭為此仰司府官吏查照牌內事理卽
轉行所屬查明固原靖遠等處飢民有流移入
境者呈明甘撫都院給資起送安插如有西
鳳之民向在甘屬地方與人傭工者詢明籍貫
住址立即起送西鳳原籍倘住居日久置有房
屋田產及商賈貿易不願回籍者聽其自便慎

毋借端勒逼需索取咎未便仍令各將查詢起
送過人口數目通報查考施行

行鞏昌布政司

平慶臨鞏四府

康熙五十三年正月 日

奏摺五十三平五民
平糶四
賑濟人口
賑濟查
賑濟查
賑濟查

官吏飭查減糶價值牌

為查議事案照減糶一事原在下以便民然而
上不可以損國必須價值均平始為上下無
礙今據各屬所報減糶糧價率多不等如中衛
以六錢合之錢數則止五百有零矣花馬池以
八錢靖遠衛以八九百文合之銀數則在一兩
內外矣價值大為懸殊且有請以四五錢出糶
者利之所在弊即存焉若不為確察核定恐從
前倉貯盡貨擲於一空殊可惜也以本部院酌
量大概小麥每京倉斗當以七錢為率如米則

應比麥較增豆應比麥酌減錢賤之處錢可作
銀使用錢貴之處錢當合銀折算要知減糶一
法因價貴而減非價不貴而亦減如價不貴不
但不應減而且不必糶再各屬有具報存銀者
靖遠等處則俱報存錢若錢俱收存則錢數益
少錢價益貴又非便民之法以本部院酌量如
有存錢者當於放餉時通融兌發該營內願領
錢者即令照時價領錢將銀存庫庶幾錢可行
使兵省兌換亦兩得其便合行查議爲此仰司
官吏查照來文事理即將減糶價值從中確酌

粟米麥豆各應定價若干及存銀支錢之處果
否通融有濟一併定議妥確速詳通報施行

行鞏昌布政司

康熙五十三年二月

日

盡無遺矣宜各屬流移自必領資起程歸籍復業乃奸巧之徒希圖冒領既入冊本地借給口糧又私自糶賣復至他所領賑者及地方官查悉其弊勸諭令回竟有恃強毆差不服拘喚者更有家計本可餬口被刁棍煽惑令其婦女出外乘機略誘未出門時即將牛羊貨賣房屋拆毀竟有不能回籍之勢者似此弊端種種借荒居竒殊非法體在飢民固當濟之以恩使彼得以度日奸民即當繩之以法使彼不敢為非若不嚴查分別則奸良莫辨必致游移往來生事

地方深屬未便合再通飭為此仰司府官吏查照來文事理轉行各該地方官即將現在飢民逐名傳喚曉諭并一一細詢家中有田地者即照前行給與路費逐程護送起行沿途交接給與口食不許凌虐亦不許縱放到籍之日給糧安插如家無田地情願在外傭工者必有坐落地方或親或戚及安歇處所得人保留者准其暫留若全無定所既無親戚可倚又不安心歸籍用強毆差不服傳喚該地方官即嚴行懲處鎖解原籍仍令將查詢起送過人口數目具報

查考母違

行西安鞏昌二布政司

西安鳳翔二府

委查鞏昌通判階州知州

康熙五十三年二月

日

申飭士習牌

為申嚴士習以遏囂風事照得三秦勝地固有傑才百二關河不乏英俊然必自待者重纔可學成名立樹建非常古來范文正公做秀才時便以天下為己任此可知讀書士子務在立志端方持躬廉謹不預外事不入衙門不抗欠錢糧不凌辱官長重品行養氣度今日之寒儒即異日之公輔其自待應居何等本部院向在撫陝於斯文一道最所愛重今總節以來凡各屬有事涉衿監者必原情優待下車之初即刊刻

聖訓寶鑑內載

御製訓飭士子文分發勸導近見各屬士習甚為卑靡或恃青衿為護符將自己額糧首先抗欠又包攬賦役飛灑詭寄隱佔那移或逞一時小忿架捏大題羅織誣告起滅詞訟或有煽惑愚民結連生事咆哮叱咤攘臂公堂甚至糾黨橫行毆差辱官恣肆不法若其武斷鄉曲欺壓宗黨招搖作祟窩賭包娼尚難枚舉倘不嚴加懲究則相習成風不特有玷官牆實為地方敗類合飭查禁為此仰司府州官吏查照來檄事理即

轉飭所屬地方官及各學教職將文武諸生以及貢監人等嚴加約束時為禁諭務期各守學規共循禮教以德行為先以名節自勵以身家性命相為珍惜本部院愛士者殷故勸之甚切望士者重必責之倍嚴如果伏首芸窗安居修業有志上進者本部院器之重之當破格栽培加意教養倘謏劣成風結黨恣橫抗糧健訟毆差辱官害民生事者貢監立行咨部革除生員即行學褫革衣頂按律從重究處斷不寬恕各宜凜遵毋致後悔仍令各該學將轉飭禁約緣

由具文報查施行

行西安鞏昌二布政司

西鳳平慶八府一州

康熙五十三年二月

日

業亦志士彭本情烈器之重之當與林林
望士者重必責之部雖咬果於首善商安局
對命匪德念計本情烈變士者果效備之甚
賦共前野林以對行爲夫以各前自願以集
太寬入者風內向東御無禁能得陳各
轉分以爲此亦官文各學林林文苑前主心

無禁幕客結交生事牌

爲嚴禁幕客交結夤緣以肅官箴事照得方面

庶僚皆受

朝廷祿爵身任地方一切政事各宜親身經理原不

得委任他人或因案牘繁勞不能兼顧偶藉筆

札於親友然任用之際務在擇人如果品端才

裕志行不苟則相助爲理委任何妨至爲幕客

者讀書抱道亦皆有志之英或緣數奇不偶不

得行吾所學因而寄跡當官以抒生平蘊藉然

既已入幕則幕以外不可與聞既受主人之託

則除主人政事之餘又不宜別有交際近訪各屬或有不能自修職業惟以夤緣為能事而各上司幕賓亦有不知自敦品行惟以結交為奇謀勾串所屬或稱係親戚或認作故交彼此往還暗通信息攬權生事護庇徇情以致公務叅差曲直顛倒常見州縣廢常敗度事不可容以與上司幕客關通該管官不敢過問而本官亦自恃倚仗有人恣行無忌此不特有礙官方抑且遺累百姓更大有誤於國政若不嚴禁流弊無窮合急通飭為此仰司府州官吏查照來文

事理即轉飭所屬嗣後各宜屏絕夤緣勤修職事各上司皆當親勤政務嚴密關防使夙弊盡除官常整肅共保聲名倘玩愒不遵仍有結交夤緣徇私壞法者定將本官叅革究擬并幕賓一併查拿重處決不寬恕此弊各屬有之甘屬為甚本部院執法如山均宜自愛言非虛發毋以身試也文到各具遵依報查施行

行西安鞏昌布按四司八府一州

西鳳平慶等八府一州

康熙五十三年二月

日

奏為... 聖鑒事... 竊臣等... 伏乞... 謹奏

禁止販賣人口牌

為嚴禁乘機販賣人口以卹災黎事照得甘屬地方偶罹荒歉上廛

聖懷已經蠲賑疊加復

命欽差大人同本部院與甘屬都院親行查勘則

凡有可以拯救之方自無不悉心籌畫務期窮

民安堵今聞有等奸徒乘機販賣人口或致父

子分散或使夫婦生離深可憫惻即使真無妻

室明媒求娶而活拆人婦心亦難安况復射利

興販法律豈可輕縱本部院遙為量度窮民迫

於飢餓與其受死不如求生固易為人所誘挾
然亦地方各官不肯實心查察撫恤安頓以至
於此合行嚴飭為此仰司道府衛官吏查照來
文事理凡被災地方俱當盡心竭慮細加查察
挨家逐戶安頓得所如有遠方興販奸徒盡行
驅逐或有本地棍徒作牙窩賣重加懲處更為
家諭戶曉令其領取賑糧夫妻父子勉相保守
各圖生計及時播種以待豐收毋致輕聽奸徒
誘騙自貽伊戚毋違

行鞏昌布政司涼莊寧夏二道

平慶鞏三府靖遠衛

康熙五十三年四月

亦地方各官...
 文事理凡被災地方俱當盡心竭慮細加查察
 挨家逐戶安頓得所如有遠方與販奸徒盡行
 驅逐或有本地棍徒作牙窩賣重如懲處更為
 家諭戶曉令其領取賑糧夫妻父子勉相保守
 各圖生計及時播種以待豐收毋致輕聽奸徒
 氣滿五十三平四民
 日
 年冬奉三疏散賑
 道

此亦申飭散糧賑救牌

為特再飛飭盡心散賑以安民生事照得甘屬
 固原靖遠等一十五處去歲夏秋災歉本部院
 惟恐貧民失所因而特疏

題請自二月起六月止計日按口散給口糧惟恐
 百姓缺乏工本耕種失時又請按畝給與籽種
 按頃給與牛具本部院於具

題之後即已通飭在案該廳州縣衛所自當竭力
 奉行確查真正窮民應給口糧者即按口給散
 果無籽種牛具者即確查酌給使百姓得以安

居田畝不致荒廢此該廳州縣衛所職分所宜
何容再為申諭今本部院會同

欽差巡歷所至十一日已抵平涼沿途一帶流移戶
口到處皆是詢其口糧有已經散給不能如數
者有竟不行散給者詢其籽種亦有散給不散
與給者以致窮民無可資生又復漂流四出不識
該廳州縣衛所所司何事而玩誤若此不勝詫
異至於分散口糧按口給食原以周濟真正窮
民並不分別有地無地有糧無糧今各屬以有
地有糧者借散無地無糧者一概不散豈無地

無糧之民即非

朝廷赤子可以恣然不顧不知是何心胸再散糧之
處自應隨民居所近或於適中之地便於赴領
乃有別屬拽運必至本城反使百姓遠道領糧
是又不經之甚似此溺職之員本應立行叅處
姑再飛飭為此仰司府廳州衛官吏查照來文
除從前已給口糧不足業已過時無容再計外
文到之日立即確查該廳州縣衛所被災者共
計若干村若干堡實在乏食真正窮民每村每
堡男婦大口若干小口若干并陸續遞回戶口

若干自四月初一日為始計口按日照依大口
三合小口二合之數或半月一散或一月一散
如數分給各至六月終止俾得餬口各自安生
如有田土未種者除夏田麥豆已不能再種外
即給與蕎麥糜穀等項秋糧籽粒令各補種秋
田以為將來生計亦即確查荒地按畝給發不
得遲緩茲本部院隨路所過百姓情形業已深
悉本官賢否亦經洞然自河西回日即至該廳
州縣衛所地方逐村逐堡挨次細查村堡居民
必行親詢如再有口糧應給不給籽種應散不

散及散給不如數并沿途一帶仍復遇有該屬
流移戶口抑或本部院經臨將貧民驅趕躲
藏以圖掩飾者定將本官立即叅拏執法究處
斷不姑寬文到即將奉行緣由與被災村堡名
色乏食窮民戶口總數開具手摺飛報查考毋
違切速

行鞏昌布政司

平涼固原各廳州縣衛所

康熙五十三年四月

日

奏照正十三平四民
 如數分給各生六平京回京各領代總辦
 如前田土不種計筆昌亦效同已不能再種
 查計數
 色之會取刃口熱燒開具干酥乘辨查
 備不故實文陸明辨奉計熱由與辨災林聖
 難以圖辨辨香災辨本官立噴參筆辨去交
 辨計口林庭以本情辨辨辨辨食月辨球
 辨又辨辨不吹燒辨辨辨辨辨辨辨辨辨辨

諭領四五月口糧秋種示
 為曉諭事照得固靖一帶夏秋被災本部院惟
 恐窮民乏食田土拋荒特疏具
 題散給口糧牛種已蒙

聖主恩賜俯照允行早已通行在案今本部院會同
 欽差部堂查察地方情形巡閱所至各屬將散給口
 糧牛種緣由竟未曉諭不行給散者甚多或分
 散而不如數者亦有以致爾等百姓嗷嗷紛訴
 今四五兩月正值青黃不接之時乏食窮民需
 糧甚急刻不可緩除已牌行該廳州縣衛所速

將四五兩月口糧及秋田籽種確查分散外合
行出示曉諭爲此示仰被災地方居民人等知
悉爾等現有資糧家業或經營可以度日者不
得妄行混冒如果真正乏食實在窮民即赴該
廳州縣衛所倉內討領口糧每大口日給糧三
聖圭合小口二合自四月起至六月止按日領回以
俟待麥熟各自營生如有田土未種者每畝討領
秋種五升作速補種秋田其無牛具者赴該廳
州縣衛所呈明該地方官確查的實每頃給銀
三兩置買牛驢速行耕種不得仍復流移奔馳

就食自貽伊戚倘有刁徒假託窮民名色或田
地已種假稱缺少籽種混呈冒領許該地方官
詳報不惟不給口糧籽種牛具定行重究不貸

示發平涼府固原州廳衛

康熙五十三年四月

日

行出示曉諭為此示仰被災地方居民等知悉
 得安行流寓如果真正之貧實在此窮民即赴該
 州縣所倉內討領口糧每大口日給糧三
 東照五十三年四月起至六月日按日領回以
 待來熟各自營示發平糶固恐世無識討領
 結辦不勤不給口糧殊非具安濟重災不貧
 此日蘇州縣知事林軒呈請飭請蘇州府
 掠會自領討領流寓口糧時請飭月各口海田

禁奸民混冒領糧示
 為曉諭事照得固靖等處去歲夏秋失收蒙

皇上特旨即將本年錢糧盡行蠲免今查該屬四鄉
 之內有被災者有不被災者已統在蠲免之內
 是不被災村堡人民俱皆沾被
 皇恩理應將賑濟糧石讓與被災窮民以克口食茲
 本部院會同

欽差大人查勘地方情形自平涼至瓦亭一路見窮
 民乞食不勝惻然俱已委令標員給散乾糧口
 食盤纏伴帶來州逐名細詢住址村堡內被災

之窮民有限不被災者反多且訪有奸徒假粧窮民希圖冒領口糧或有串通地棍借荒為名強挾借賑似此奸民甚屬不法除現在沿途帶到窮民本部院同

欽差大人酌議皆仰體
聖主愛惜黎元至意一槩發糧賑給外合行出示為此仰軍民人等知悉爾等不被災人民自此散皇土賑之後應各歸村堡自營生計倉貯餘糧留與真正災民為日給口食之需倘以後仍行假粧窮民混冒領糧或串結奸徒借荒生事本部院

愛民雖切而執法極嚴斷不容恕也

示發固原州

康熙五十三年四月

日

窮民多困... 到窮民本詳院同... 主愛惜黎元... 此仰軍民人等知悉... 兼照正十三年四月... 貧民賑濟... 奉天縣志

諭折散糧價勸種秋田示

為曉諭事照得靖遠衛屬各堡窮民應給五月口糧籽種因該衛倉貯乏糧不能即散曾撥令蘭州廳州衛將各倉糧石星飛輓運衛城以便分給但蘭州糧石一時未能驟到目下已四月將盡本部院一路來見荒地甚多秋田皆未下種若一失時收成何望本部院甚為焦心今將五月口糧折給銀兩窮民現在可以餬口或易買蕎麥燕麥糜穀籽種即可播種秋田除已撥鞏昌府知府等協同該衛守備逐名細查給散

外合行出示曉諭為此示仰靖遠衛屬軍民人等知悉爾等真正窮民即按名領去糧價速行播種以待秋收各為生計務在真正窮民各沾實惠如稍有家業可以度日力能措辦籽種者不得朦混討領干咎未便

示發靖遠衛

康熙五十三年四月

查造水車示

為查造水車以資灌溉以利邊民事照得水利一事其功甚溥本部院早已通飭舉行務在相度機宜或引水以開渠或用車以輸灌即天時偶有不齊人功亦可挽救乃秦民甚貧性又拙而且懶間有濱河近泉之處絕然不知用水之法以致稍遇早乾即爾束手待斃本部院前在楚中見南方之用車者十有八九今因查勘地方情形來至靖遠昨於城外河堤閱看田禾見有大輪水車澆灌地畝一帶麥苗蔚蔚可愛亦

有小車數具現在車水因詢本地民人始知邊隅亦有巧匠再詰有田之家何不統行倣效皆云工費甚鉅不能製備本部院念切民生有利可興行之惟恐不力今欲捐發造車工價因吾民之利而利之但不知可以用大車者幾處可灌之田果有若干頃可以用小車者幾處可灌之田果有若干畝合行出示稽查為此示仰衛屬軍民人等知悉并該道府等即協同確查該廳州衛地方濱河百姓相度地勢或合用大車或獨用小車將應用大小水車數目及可灌田

地頃畝俱赴衛官報明該管官查明呈報該府道確勘轉詳本部院討領銀兩鳩工製造安機運軸接水承流八口無飢千年水利急自經營毋或延緩推誤切速切速

行臨洮道靖遠副將

臨洮鞏昌二府

示發靖遠衛蘭州

康熙五十三年四月

日

東歷五十三平四民...
 可與行之惟恐不力示...
 氏之利而利之但不知...
 之而未有若干...
 丹庭及縣...
 數...
 並...
 此...

禁止混冒領糧示

為嚴禁混冒領糧并酌分賑借緩急以杜朦混
 事照得百姓貧富原自不同賑濟緩急須有差
 等衛屬荒歉倉貯空乏本部院念切民瘼散給
 糧石皆係遠撥蘭州廳衛各倉運送散賑之時
 自當先儘真正窮民按口散給以全性命乃該
 衛從前不行逐戶確查按名給票以致奸頑無
 恥之徒或本有餘資假充飢民或更衣換名希
 圖混於後倉糧係關

國貯顆粒皆係

聖恩奸徒混冒深可痛恨除從前散給糧石委員逐
村細查外合行出示嚴禁為此示仰衛屬軍民
人等知悉爾等各宜自諒如果真正乏食無力
窮民俱於委查官員處報明坐落鄉貫大小口
數先行領票散糧之時照票關領如以有力假
充無力及更衣換名父兄子弟混冒重領本部
院已飭令管糧及監散各員細加盤查一經查
出以冒領

皇糧按律治罪並查追原領糧石至有乘機抄攘藉

衆生事者立即以亂民拿究再有中戶目今猶
可支持將來不能接濟以待收成者亦須呈報
該道府衛所查明取具領保於五月內酌量借
給秋後還倉示後各宜凜遵毋得故違致干重
究未便凜切凜切

示發靖遠衛

康熙五十三年四月

日

奉照五十三平四民... 欽差部堂查勘地方情形自入蘭境即據軍民人等... 爲曉諭事照得蘭城廳州衛三屬去歲雖未報... 災而收成亦甚歉薄今本部院會同... 欽差部堂查勘地方情形自入蘭境即據軍民人等... 紛紛控告借糧已令藩司轉飭廳州衛各地方... 上天官逐一確查果有真正貧民現在乏食或缺少... 望主籽糧秋田待種者俱即酌量借給口糧以資接... 濟爾百姓領糧回家以爲餬口播種秋田各安... 生業雖目下因靖遠缺糧暫撥蘭倉借賑而蘭... 州亦係重地本部院即撥河糧抵還且本部院

曉諭蘭民領賑安分示

爲曉諭事照得蘭城廳州衛三屬去歲雖未報
災而收成亦甚歉薄今本部院會同

欽差部堂查勘地方情形自入蘭境即據軍民人等

紛紛控告借糧已令藩司轉飭廳州衛各地方

上天官逐一確查果有真正貧民現在乏食或缺少

望主籽糧秋田待種者俱即酌量借給口糧以資接

濟爾百姓領糧回家以爲餬口播種秋田各安

生業雖目下因靖遠缺糧暫撥蘭倉借賑而蘭

州亦係重地本部院即撥河糧抵還且本部院

已經特疏

題准開例收捐當於蘭城多行積貯使倉貯充盈
為爾民備不時之需倘邀險口

聖主福庇

上天眷祐將來雨澤頻霑是固不勝之喜倘或雨水

愆期護撫素切愛民自與本部院隨時酌濟合

遵守分或播種秋田或經營度日親鄰周急黨

族通融過此歉歲自有豐年即或萬有不齊亦

當呈明地方官轉詳以待補救若無知愚民藉

荒為竒希圖冒借及奸徒結黨擾攘生事不獨
糧不可得抑且身投法網本部院雖體恤民艱
而執法懲刁不能為爾少貸其各慎之毋忽

示發蘭州廳衛

康熙五十三年四月

日

聖主鴻恩
 上天眷祐
 東歷五十二年四月
 而瘳於懸
 暨不可
 其為奇

查議開濬渠工水車牌
 為查議修渠造車以廣水利以益民生事照得
 百姓生計惟恃農工田畝膏腴全資水利所以
 本部院於籌畫邊方疏內具題請開水利每夫
 役日給銀一分米一升業已奉
 旨准行在案昨本部院由靖遠至寺兒灣古城一帶
 見沿河溝渠疏濬有法車水澆灌遠近均沾計
 自地面以至河身高低不下一二丈而水能上
 行苗滋秀發此可見人力辛勤天時皆可補救
 本部院深以為喜而且羨慕久之亦該司道所

共見者茲本部院自蘭起程前至沙井四十里見瀕河一帶土沃而平離水更近若行開渠車水不亞古城得此數萬畝之餘糧便可贍足蘭城三屬無數百姓可惜以有用之水置之不用可灌之地棄之不灌殊怪秦民之計短而貧也昨臨洮道以溝渠水車自任經理此雖關心民瘼職分所宜亦足見該道之力勤公事志襄盛舉今自蘭城渡河金城關而西以至沙井一路文到該道親查確勘督同廳州衛將渠道水車悉心料理即速興工製造以助秋田其應用工

食料價於布政司討領合行飭知爲此仰司道官吏照牌事理務須實心實力毋或畏難推諉致令永遠之利終成廢棄如果行之得法利在民生本部院即行特薦仍先將相度可開渠道之處及應用水車數目具文呈報以憑查考施行

行鞏昌布政司

臨洮道

康熙五十三年五月

日

兼州五十三平五日
 承不立古
 城三屬無數百
 濟寧昌亦如
 濟寧之也
 之喪又熟用木車
 內生本暗到
 姪令來
 官吏無
 會件

再飭留養老病飢民牌

為再飭體卹流移以活民命事照得甘屬流移
 飢民有願回籍者給資起送如有老幼婦女不
 能行動或原籍無可依倚不願回籍者即暫行
 留養前已通飭在案今聞各屬遞送飢民致令
 老幼顛連扶病困苦是該州縣全不留心體察
 止以起解遞送一文即為了事深可痛恨合再
 亟飭為此仰府官吏查照來文事理即轉飭所
 屬如有流來飢民視其強壯無家口無疾病者
 仍行遞送外其攜有婦女老幼困憊難行及原

籍無可依倚之飢民一槩暫停起送即前途遞
來於該州縣有疾者接到亦不得轉遞俱暫為
安插留養務俾得所患病者即撥醫調治俟秋
涼病愈情願回籍再為起送如再似從前逼勒
不行體察膜視民命定行叅究斷不姑貸文到
仍令先將奉行緣由各具文報查毋違
指行體察膜視民命定行叅究斷不姑貸文到
康熙五十三年六月
為再請留養事
再請留養事

皇恩
通飭核實報災牌

為通飭核實報災以杜奸弊事照得天時不齊
水旱之災到處常有然地力不同田有高下收
各異等斷無閭邑全荒之理地方各官與民最
近自應逐加確勘有災不可失報俾民隱得以
上聞無災不可混報使刁民絕所希冀纔為明
白當官盡厥職掌我

皇上念切民生一遇災歉無不發帑賑粟蠲租免賦
常施格外之恩乃有一種奸惡刁民窺探

聖主深恩略遇雨水缺少即乘機競欲報荒民以此

混呈官亦以此混報在百姓希圖請蠲請賑冒領錢糧在本官或借此以邀買美名或圖為緩徵以掩遲解之弊或假借散賑以便為開銷倉貯掩飾虧空之計弊端種種不一而足且甘屬地畝全無冊籍百姓所種無糧之地不知幾許以多種無糧之地被荒而指為有糧之地以圖冒免托名具報者更自不少此等奸弊百姓行之以為可以罔其上本官聽之以為適得遂其私官民合串貪冒

皇恩殊屬不法更有以不行報荒挾制官長糾衆肆

行者撓亂法紀尤宜確察禁絕合行通飭為此仰司道府官吏查照牌內事理即嚴行各屬嗣後凡有報荒者即查明該地方現在街市糧價若干闔邑之內或水田或旱田有收成者若干地畝現今被災實無收成者若干地畝其無收成之地所納應若干錢糧俱逐一確查備載詳內明白通報如若一味朦混具報只以危詞駭聽除另選賢能官員履畝查勘外定將報災不明希圖混冒立即指名題叅究處決不寬貸仍令將遵奉緣由各具文報查施行

行西安鞏昌二布政司

河西寧夏五道

西鳳平慶等八府一州

康熙五十三年六月

康熙五十三年六月... 奏摺彙編下卷... 行西安鞏昌二布政司... 河西寧夏五道... 西鳳平慶等八府一州... 奏摺彙編下卷... 行西安鞏昌二布政司... 河西寧夏五道... 西鳳平慶等八府一州... 奏摺彙編下卷... 行西安鞏昌二布政司... 河西寧夏五道... 西鳳平慶等八府一州...

嚴查散賑混冒牌

為嚴查動散銀糧務期據實開報以杜混冒事
照得甘屬被災乏食窮民散給口糧籽種牛具
顆粒絲毫皆係

朝廷庫貯因賑救災民特請動發原為不得已之計
地方各官自當下思為民上思為

國務使顆粒皆歸着實窮黎恃以不飢方無忝於
民之父母乃不肖官員因荒為利下不為民上

不為
國惟圖一己中飽或冒開或混散或藉此侵隱本

部院訪之甚詳至應散口糧有奸巧者即以二月開報其中詭造花名捏報糧數使人無可究詰獨不思一邑一隅人民寧有幾許而至七八萬五六萬三四萬之多再應散之籽種牛具有刁詐而愚者即照報荒之地滿算以為該給種糧若干該牛具銀若干獨不思報荒之地豈盡皆無種未種之地豈盡皆無牛且有其地已耕其種已播而不肖官員尚有冒開請討給發者試問此項錢糧竟將歸之何所既已食祿居官而欲婪謀蠹

國豈尚知有法紀該司方伯是司錢糧總滙保國愛民頗有同志凡有動用應加確察合行亟飭為此仰司官吏查照牌內事理即將被災各屬散給口糧籽種牛具逐一細查咸令據實開造不許有一毫欺隱聽候本部院委員查訊如有朦混捏報欺隱侵尅者立即據實揭報以憑叅究倘該司不行開揭徇情率轉一經本部院查叅於該司亦大有未便凜切慎切

行鞏昌布政司

康熙五十三年六月

日

者亦不收受以致本官現在家資日逐盡行花
費迨追無可追交無可交欲為收受而不可得
此等積習非立行痛除不可合給通飭為此仰
司官吏查照牌內事理即飭所屬嗣後凡有虧
空未叅者應即極力完補不得掩耳盜鈴以致
水落石出已叅者不必端等叅後發審接任官
到任即行照數催追虧空官不必等候部文即
照數措辦交納其銀糧如果現在者接任官亦
即速行收受詳報不得以已經揭報尚未審結
不便收受為詞須知結案可以遲早而錢糧到

底難欠遲緩總屬無益嗣後所屬如有虧空仍
然不追不交不收顆粒無完者該司查出隨詳
揭報本部院於查審時將本官一併附叅以為
玩延之戒仍令各具遵依報查施行

行西安鞏昌二布政司

康熙五十三年七月

日

此等積習宜立行革除不可含糊姑息
 司官吏查照所由事理即行革除
 兼照正古三平七民完補不得日耳
 水落石出已
 武兵之在外今各具數計詳查並詳
 詳詳本情詳於查審部詳本官在府州
 然不致不交不交不交不交不交不交
 承辦穴聖無益無益無益無益無益無益

西民申飭力行限單催科牌

為通飭實心奉行催科之法以期官民兩便事
 照得民間額賦催科在所不免若立法不善官
 民均受其累是以本部院特撰催科十則一書
 進呈

御覽已奉有

俞旨頒行在案查催科之法備載十則各款奉行之
 處更悉或問諸條各屬有司如果實心行之自
 是官民兩便無如糧胥差蠹無從賺錢以為此
 法不便陽奉而陰阻者有之里長什排蠶食里

下一行此法科斂無由因而貪戀不舍名雖革
除實仍踞佔從中阻撓者有之至若本官昏庸
怠惰則聽胥役之唆哄諉之而以為不可行本
官貪婪殘虐則以為行此法而攤派不能下手
催辦無人棄置之而不肯行本部院皆知之甚
審如西安府屬之三水興平藍田鎮安雒南延
安府屬之延川安定清澗宜川榆林衛鳳翔府
屬之隴州汧陽鳳翔岐山漢中府屬之寧羌州
沔縣興安州屬之洵陽白河等州縣據報行之
四月已完半矣鄠縣商州寶雞各州縣行之民

皆樂從矣其餘州縣則惟一紙回文云一一遵
行訖五字塞責而已其作何遵行行之便與不
便民之從與不從錢糧之完與不完絕不輕置
一語是官以此為具文吏以此為故事因循怠
玩成何法體合再通飭為此仰府州官吏查照
牌內事理即將所屬逐一確察現今何州縣奉
行何州縣不為奉行何處行之最善何處行之
不善該府州明晰具報如各州縣有不能行者
即令將不能行緣由據實詳陳以便再行確酌
倘仍似前混詞回塞及不行而捏報奉行者本

部院察訪得實立即指叅於該府州大有未便
 凜切慎切
 康熙五十三年七月
 內事
 其
 督樂

禁取用行舖牌

為嚴禁假公派累以除夙弊事照得州縣身膺
 民社窮檐蔀屋皆吾子民理宜軫卹况咸長附
 居省會為各屬觀望體卹尤宜備至乃訪得該
 縣凡遇過往官員安置公館及公宴私會一切
 氊條蓆繩棹椅器具等物俱差役向各坊百姓
 店舖派取有則搬送支應無則重價轉賃甚至
 蠹役從中措勒任意折收銀錢稍不遂欲毆罵
 交加更且遇事挨門撥夫輪流伺候勞民傷財
 莫此為甚合檄嚴禁為此仰縣官吏查照牌內

事理即將派民支應陋弊立刻逐一禁革倘取
陽奉陰違故轍不改一經本部院察出定行叅
究斷不寬貸慎切凜切

行咸寧長安二縣

康熙五十三年七月

爲嚴飭查緝匪類以靖地方事照得省會重地
人烟輻輳易叢奸宄况時屆秋深兼值鄉試之
期士民雜處商賈交錯匪類尤易竊發若不嚴
加巡緝誠恐奸宄乘機肆橫貽害地方深爲未
便合行嚴飭爲此仰縣官吏查照來檄即轉飭
鄉千地保弁兵人等各在該管地方晝則盤查
匪類捕緝奸宄夜則鳴鑼擊柝嚴加巡防務使
盜賊屏跡地方安堵倘敢疎懈漫不查緝以致
地方失事商民受害定以不職叅處决不輕貸

申飭巡查匪類牌

爲嚴飭查緝匪類以靖地方事照得省會重地
人烟輻輳易叢奸宄况時屆秋深兼值鄉試之
期士民雜處商賈交錯匪類尤易竊發若不嚴
加巡緝誠恐奸宄乘機肆橫貽害地方深爲未
便合行嚴飭爲此仰縣官吏查照來檄即轉飭
鄉千地保弁兵人等各在該管地方晝則盤查
匪類捕緝奸宄夜則鳴鑼擊柝嚴加巡防務使
盜賊屏跡地方安堵倘敢疎懈漫不查緝以致
地方失事商民受害定以不職叅處决不輕貸

仍先具遵依報查施行

康熙五十三年八月

康熙五十三年八月

康熙五十三年八月

康熙五十三年八月

康熙五十三年八月

康熙五十三年八月

康熙五十三年八月

康熙五十三年八月

申諭查照

雨水禁止稟安餽送牌

為禁絕逢迎共修實政事

照得本部院存心立

政惟期與各屬實力辦事

初不以諛媚而喜亦

不因疎濶而怒在文職各官

身膺民社倘能愛

養百姓興利除弊使地方日有起色

是即良吏

遇有一善本部院常心焉誌之武職則端司軍旅果能整理行伍彈壓地方使盜息民安即屬將弁之賢者本部院必特拔而薦用之乃文武官弁全不於此處着想恪供厥職徒以逢迎獻媚為事此本部院之所不解者如各屬每每具

稟請安遇有節序具稟請賀本部院拆閱之
盡屬浮詞於地方兵民事務毫無干涉此稟殊
為多事至有以土產食用等物遠來餽送者物
件雖值無幾而道途往返亦頗艱難且不肖官
弁非派及民夫則貽累兵卒其跋涉顛連不無
勞費此等陋習若不禁革奔競終無止息合行
通飭為此仰司道府州官吏及各鎮將查照文
到即轉行所屬各官嗣後各修實政勵精圖治
愛養民生撫卹士卒整飭營伍以盡職守除報
雨水田禾情形之外將從前稟摺請安及餽送

土產食用等物之事盡行禁絕若故轍不改復
有仍行投稟餽送者不特示飭門吏不容傳稟
概不收閱外定將來差責處各宜自愛慎毋輕
試可也

行西安鞏昌二布政司

河西寧夏五道

西鳳平慶等八府一州

延興等六鎮兩提標中軍

康熙五十三年八月

日

東照五十三年八月民民事務... 爲多事至有以土產或興等六輪兩對縣中軍... 件雖值無幾而道途西鳳平慶等八縣不似官... 弁非派及民夫則貽所西寧夏五並頗連不無... 勞費此等陋習若許西安鞏昌二市巡檢合行... 諭何由此仰司道府州官吏及各鎮將查照文... 辦不郊閱伏或泝來差責責各宜自愛勤毋墮... 在內亦許稟驗送者不許示檢門吏不容對稟... 由委會用等語之事盡行禁嚴毋得違不如此

禁枉道濫應擾驛牌

爲飭禁枉道擾驛以肅郵政事照得驛遞之設
原以供應

皇華凡馳驛行走俱有一定路程如有遠道及濫應
者處分甚嚴乃近來奉差人役竟不經由正路
率多枉道行走且有現催騾脚復私自討騎驛
馬者州縣司驛各官亦不察明來歷擅自濫行
應付均干嚴例合行檄飭爲此仰道官吏查照
來檄事理即轉飭司驛各官嗣後凡遇各衙門
及本部院差承人等雖執持火牌不由正路行

走枉道擾驛或私自討索驛馬勒取規例者
 得擅自應付即將枉道騷擾人役鎖拿申解本
 部院轅門以憑盡法重處倘司驛官員瞻徇濫
 應漫不申解一經本部院察出或別有發覺定
 將濫應各官立即叅革究處决不寬貸仍令各
 具遵依報查施行來奉差人違責不照由五部
 皇華凡與驛行去身有一文部行西安驛傳道
 康熙五十三年八月 日

禁私遊覽驛驛

禁屬員赴省謁祝牌

為飭禁赴省以免曠職事照得設官分職各有
 端司總以廉潔精勤為首無事奔競交結况本
 部院賦性真樸冰潔自持一切繁文陋規素所
 禁絕屬員之見與不見全不介意茲值本部院
 生辰誠恐府州縣各官因循舊套擅自遠來不
 惟廢時誤事有曠職守更有不肖人員或指稱
 呈送禮物科派里民亦未可定合行飭禁為此
 仰府州官吏查照文到即通飭所屬州縣各官
 持躬清慎勉供厥職本部院生辰一概不許擅

離職守赴省祝謁倘敢故違復有指稱賀壽名
色私自來省者即到省城示諭門軍亦不私放
進城跋涉徒勞自取咎戾未便仍令各具遵依
報查施行
康熙五十三年九月
行西延鳳漢興四府
州來不
康熙五十三年九月
行西延鳳漢興四府
州來不

禁諭蒲朝村民聚眾示
為勸諭各安生業以保身家事照得蒲朝百姓
地土相連自宜奉公守法各耕各業毋相侵奪
崇推讓之風享太平之樂詎意爾等不守本分
因地構爭糾約多人擅持軍器兩相格鬪互報
殺傷藐視王章干犯

國法未有如此之甚者本部院等承
聖天子命授任封疆秦民晉民總皆赤子蒲地朝地
同在版圖省域雖分心無異視今奉
旨會勘查閱舊案地畝弓口數目碑文現在蒲地朝

地實屬情真因地界不明則爭端不息隨委
省文武官員公同勘驗照三十二年原案將地
畔田界丈定創溝或有坵角零畸大概皆為蒲
民留讓案內是非曲直亦皆秉公判斷為首倡
禍者擬罪具
題強逼附會者概不根究此本部院等法外留恩
以德和人之意恐將來又復生事特於王家庄
大慶關添設文武官弁彈壓經理自茲以往爾
等俱宜革面洗心父誡其子兄勸其弟各守爾
疆界各種爾田畝出作入息各贍爾室家相助

閣本相友各敦爾和好結釁構訟大家總費工夫殺
槍戰爭彼此皆有傷損謀殺故殺鬪毆殺一命
還須一命抵殺人那得便宜即或因事忿爭執
持鎗刀弓箭銅鐵簡劍鞭斧扒頭流星骨朶麥
穗秤錘等項兇器但傷人及誤傷傍人者律內
俱問發邊衛克軍聚眾執持兇器傷人及圍繞
房屋搶劫家財棄毀器物除真犯死罪外徒罪
以上俱不分首從亦發邊衛永遠克軍律例最
嚴豈容輕試本部院等念爾愚民生居村野地
方官平時既不知教導有事又不能排解

等誤投法網特行勸諭為此示仰蒲州朝邑兩屬各村鎮居民人等知悉示後朝邑百姓不得逞刁行兇蒲州人民亦不許恃衆欺弱悉依本部院等勸諭一一遵行如有貪心不改故智復萌圖謀侵佔強肆併吞踰越封溝擾亂界址仍然聚衆執械兩相殘殺者是愍不畏死梗化頑民本部院勸諭諭令外更派員督率來勅書開載如鄰封有不法兇徒聚衆攘奪劫殺許徑自撲殺勦滅隨後奏聞本部院一經聞報定即點發官兵擒拿勦殺此時

竊恐玉石難分奸良莫辨不惟所爭地畝不能佔種亦且身命不保業破家亡妻離子散悔有何及本部院言出令隨各宜凜遵自愛爾村鎮中老成知事者亦當各以此言共相警勸毋致忽視可也慎切慎切

示發山西蒲州

陝屬朝邑縣各村鎮

康熙五十三年九月

日

東照五十三平八日
示發山西諸州
中未如味車香亦當各以此言共匪警傳母姓
計蘇亦且命不計業家上真請子婿何首
不暇何敢笑

東照查拿絡賊牌

為嚴飭查拿絡賊以清街市以便商民事照得
絡賊竊取跡雖類於掏摸攫奪害人情則同於
強劫大凡窮人擔負微物入市貨賣或為錢糧
未完或圖升合餬口一被竊奪實有性命之憂
近聞此種絡賊非投靠旗廝則依身胥役公行
街市即有一班惡少隨行護衛遇有力能剪撲
者蜂擁至前名為混打就中尋便暗行脫放遇
有孤孑單弱反以訛詐見辱羣聲附和且令賊
打失主煢煢鄉愚方將逃竄之不暇何敢笑

職之有無是真強盜劫奪白日橫行而司捕不
者如聾如瞽殊為溺職合行牌飭為此仰該將
查照牌內事理明白出示於街衢令其自知革
面仍嚴責巡役人等時加查察遇有絡賊立即
拿究盡法懲處如有從傍打鬪閑雜之人即係
同夥一併鎖拿送該管官查訊究治毋再仍前
怠忽致干咎戾慎切慎切

行西安城守叅將
咸寧長安二縣

康熙五十三年十月

日

申飭家人差役撞騙牌

為飭知事照得本部院於山人墨客星相醫卜
最為厭絕從不發給書帖代薦下屬即家人差
役偶有公事往來皆必諄諄切諭不許騷擾地
方今訪有奸棍假寫本部院名帖或書札到處
撞騙或冒充本部院家人差役名色至州縣各
衙門騷擾深堪髮指合行飭知為此仰府州官
吏查照文到即通飭所屬各州縣嗣後如有此
等奸徒該州縣竟行鎖拿解送轅門究處即係
真正家人奉差經過如有需索不法等事該州

縣詢其姓名即據實密稟本部院深以為喜次
不見咎倘為隱諱本部院另有訪聞則於該州
縣大為未便各宜凜遵毋違

行西鳳平慶等八府一州

康熙五十三年十月

康熙五十三年十月

勸民積貯示

為勸民節省共圖積貯以備食用事照得百務
可省日食不可省人家積蓄與其不足何若有
餘無論歉薄之歲米麥當為珍重即時際豐收
亦當時存不足之想所以古人耕三餘一耕九
餘三加謹蓋藏以為備荒之用作家之道全在
於此奈爾秦民人不古處俗漸澆漓既無三九
之儲根本全無一值歉收莫不捨地呼天連篇
泣訴或求報災或思逃竄竟有不可終日之勢
若遇豐歲收成裕如則又任意糶賣狼藉花費

止圖目前之快意殊不知天時不常有豐不能
無歉豐年不積歉歲自必難支百姓無知地方
官又不申飭勸誡以致相習成風不謀積貯深
為可惜合行出示曉諭為此示仰督屬官吏軍
民人等知悉今歲秋收豐盛糧價漸平糶賣即
致花消收藏實為根本該管官宜各諭所屬村
堡鄉保共相勸勉無論大家小戶一切用度俱
從減省趁此豐歲各事收藏約八口之所需備
兩年之口食使年積一年用之不竭方為經久
之計若貪圖利價賤賣販徒或狼籍糜費暴棄

天物將來不足實自取之倘米行牙儉串通外
販糶買漁利者該鄉約據實報官該管官即嚴
拿重處特此告誡務各遵行

示發西安鳳翔二府

康熙五十三年十月

日

官又不中... 以致... 成風... 不... 積... 弊...
 民人等... 知... 令... 收... 豐... 豐... 豐...
 取... 取... 取... 取... 取... 取... 取... 取... 取... 取...
 拿... 拿... 拿... 拿... 拿... 拿... 拿... 拿... 拿... 拿...
 取... 取... 取... 取... 取... 取... 取... 取... 取... 取...
 天... 天... 天... 天... 天... 天... 天... 天... 天... 天...

再飭查報荒地牌

為再行通飭墾荒事案照本部院因秦中地土
 荒蕪特令墾荒種植實思盡地利以裕民生非
 僅務虛名以增課也近經本部院查勘甘屬地
 方巡歷所至見甘屬之荒地更多於陝屬業經
 條議會奏令無業窮民開墾即與永遠為業照
 例六年後以下則起科蒙 旨 准 各 官 毋 得 違 具
 聖主允行在案乃陝屬百姓積習相沿一味霸佔荒
 地自己不能耕種又不與人耕種以致田地久
 荒使貧難無依窮民又無地可種殊不 知 恤 州

縣各官又不實心經理嚴行查察將無上老荒
以及有王無力墾種現在拋棄新荒不行查出
望主分別給授設法招徠深屬溺職本部院前經行
令各屬確查言之諄諄而州縣各官俱視爲具
文並不開報或因循苟安或瞻顧畏難且竟有
設詞支吾反爲百姓隱佔者甚屬不法合再嚴
飭爲此仰府州官吏查照來文事理即飭行所
屬州縣各將老荒地畝若干新荒地畝若干內
有戶族親鄰可以開墾者即着落開墾若無人
開墾即據實造冊開報如有豪強霸佔自不能

種又不容招墾立即指名詳報以憑究處倘該
州縣不實心奉行借查荒名色聽信胥役科費
勒錢更致騷擾百姓立即叅究不貸

行西延鳳漢四府一州

康熙五十五年十月

日

以及有王無方... 現在地...
 分列給... 招保... 本...
 令各... 官... 俱...
 文... 不... 或... 且...
 康熙五十五年十月... 佔... 日... 令...
 飭... 府... 西... 四... 依...
 俸... 更... 百... 按... 不... 若...
 依... 不... 奉... 查... 各... 計... 費...
 蘇... 不... 容... 立... 各... 以...

飭行會奏八條款項牌... 會... 不... 於...
 為遵

旨詳察議奏事案照前准

戶部咨前事等因業經備行該司遵照外查甘

屬地方偶罹災歉蒙

皇上蠲免錢糧發粟賑救

聖恩優渥靡所不周又以蠲賑止在一時

特命部堂親行察勘詳議永遠裨益之事為斯民代

謀生計安全而衽席之我

皇上愛民之深憂民之切自古帝王之所

皇上本部院會同酌定安插窮民興行小八條以復

命奉 旨堂縣以復安全而以復

勅九卿確議之既定又重申以復

天語詳加細詢及至無可更議而頒行之按八條之

內纖悉備具若逐款細繹次第斟酌以措之實

政則用天之時因地之利盡人之力春以耕夏

以鋤秋以斂荒郊變為樂土西秦億萬生靈皆

含舖鼓腹共享樂利於無窮但條內事誠一線

緒則多紛地方各官不用心體會則不知從何

入手倘行之而不得法不特無以奏功而且以

滋弊使良法美意徒為紙上栽桑是大負我

聖主惠愛甘民察勘詳議永遠裨益之至意今本部

院將八條事宜再為逐項抽摘分作十有二條

兼為略指大凡俾各屬一覽洞然循序而設施

一之務底厥成以襄盛美所有以復

部文應行條款分晰於後以復

一察核屬員賢否天下無不可為之事只患無實

心任事之人故庶政之舉當以得人為第一部

文令將甘屬緊要地方有可効力共以復

地不相宜者簡合例之員具題調補人應將各屬員通行察核某屬人地相宜可以効力即着該管道府具保某屬人地不宜不堪効力即令該道府具報聽候公同考核酌量改調

一 通查無糧荒地曠土可墾游民纔有所歸况田墾則民聚民聚則賦增益國利民惟田是賴甘屬荒地一望數十里大概俱係無糧之地獨怪甘民力不能墾而又不肯與人墾一墾便爭情甚可惡部文令將所屬無糧荒地通行查出令民開墾永遠為業六年後以下則起科今應通

行各屬令州縣衛所各官單騎簡從於所管地方東南西北四鄉無遠無近逐一親身踏勘成熟之地可以過而不問如有荒蕪未種者即查訊原主問其因何不種之故若原主自認開墾即將地畝登記入冊着落開墾註定起科年分應徵糧數造冊具報至期徵糧次年仍行查勘果係墾種則止倘仍不墾種即將本主嚴加治罪將田另撥別戶開墾若查係無主荒地并雖有原主不能認墾者即將坐落地畝坵段畝數據實造冊開報聽候分給窮民如以

牧牲草場陰圖霸佔者概不准給

一查察無依窮民農為政本食乃民天飢寒切身廉恥必不能保無奈甘民習懶成性遊手遊食者視為固然獨不思一農不耕民有饑者一女不織民有寒者無依之民即皆失業之民部文令查明真正無依窮民撥地耕種今應通行各屬令州縣衛所各官依保甲之法逐堡挨村通行確查十家為甲十甲為保一甲之內共窮民幾名即令甲長具保保長核實同鄉約報官此窮民即着落保甲長看管查察如報後逃匿等

事即於保甲長是問該地方官親查明確造冊具報聽候撥地安插

一招撫流移戶口人無業則貧貧則輕去其鄉而不顧甘民平時往外趨食者固或有之近因遭荒轉徙於別屬者到處皆是總因不肯務本故產約產約則輕流徙勢所必至部文令將流移各屬窮民盡數收回今應通行各屬令州縣衛所各官將各處人民現在流移到境者逐一查出如某處有流移窮民男婦幾名口細訊係某府某州縣某里甲人於何月日流到某地現在

何地方居住作何度日取具確供如已墜落業
得有生計不願歸籍者應聽存留外將現無生
計情願歸籍者逐一造冊開報人口仍交給原
住房主收管官給口糧暫為留養俟原籍地方
回文到日給與口糧盤費遞送回籍
一察勘渠道水車古來名臣政績多以渠功水利
擅名蓋其功甚普其澤甚遠可以活千萬人可
以垂千百世甘屬上接黃源下聯涇渭其餘如
黑水湟水洮河大夏河等類所在多有部文令
地方官相度地勢有可以開渠用車者即行開

渠造車今應通行各屬令州縣衛所等官於瀕
河水際親行查勘窮源溯流隨地斟酌或水與
田平可以開渠引流者即開渠引流不以迂而
阻不以遠而畏或田高水下可以造車盤灌者
即造車盤灌澆得一畝之地即多得一畝之糧
渠身高低若干挑築人工若干渠道應補田價
若干木石磚灰應用料價若干再某處應造大
車幾輪某處應造水挂幾輛逐一估計造冊開
報該管道府公同親勘會酌妥確領銀興工
一督率穿井造窖昔伊尹作為區田使民負水灌

稼故七年之旱不以爲災近見山西河內一路
有田必有井作井灌田旱年每收其利部文令
將可以穿井造窖者酌量田之多寡即行穿井
造窖但炎天燥土一井一窖其潤幾何地畝甚
廣焉能盡皆穿造今應通行各屬令州縣衛所
各官於不能開渠之處即查算窮戶每一丁令
開一井一井令灌田三畝開井無泉之處即行
造窖亦按丁計算令其深耕易耨精神全注於
三畝之中以三畝之所獲爲一丁養命之根本
此外靠天之田不拘其數仍聽自種豐年可以

倍收遇旱不致缺食令該州縣衛所將應造井
窖數目核明丁口指定地方即行造冊具報

一蓋造安插房屋度地居民其權原操之自上故
丘甸有制都鄙有章溝洫畛澮各有數所以同
鄉同井出相友而守相助甘屬地廣人稀村居
零落相隔每至半日之程雖有強幹捷足之民
斷不能於二三十里之外耕田一二十里之外
饋餉無怪遠地皆成荒土部文令將現在流移
無依窮民盡數收回計其人口多寡置立房屋
居住今應通行各屬令州縣衛所於所管境內

查荒地之遠近則附居村庄遠則測其地脉
辨其水道於上下往來適中之處築成庄堡構
造房屋無水則鑿井無井則置窖使有地可耕
有水可飲安居力穡為長養子孫之計如近某
村荒地若干村內可附居人民若干應添立房
屋若干某遠處荒地若干可安插窮民若干應
新置房屋若干并穿造井窖各若干逐一查明
造冊開報

一酌算口糧籽種民可百年無貨不可一朝有飢
流移甫集之民嗷嗷待哺若不通盤打算使口

食無缺得以接濟新耕則無以贍其生將何以
盡其力部文令將收回窮民隨到即給房屋口
糧籽種牛具令其開墾今應通行各屬州縣衛
所將收回窮民荒地應作何撥給每丁約給地
若干口糧應作何分散每口約散糧若干自到
籍日起應於何日為止且惡勞好逸者世之常
情偷惰苟且者小人通病開墾應何人督率新
庄應何人查管再佈種須依地力每畝約種若
干牛具在所必需幾戶可為公用逐一細加酌
算務上不費公下裨實益詳議速報

一牧養牛羊確數自古賢守令有課勸耕桑令民畜牝牛草馬下逮雞豚者兼有課民無牛令畜猪豚貴時貨賣以買牛者迄今傳為美政又諺云欲速富畜五牝牧畜之道利益原自無窮部文令查無業窮民每戶給羊種十隻二戶給牛種一隻今應通行各屬州縣衛所令將現有可以牧畜之丁無力置買牛羊者通行查出共窮民若干名應給羊若干應給牛若干每牛羊一隻各該價若干作何購買作何給發作何保領日後倘有短缺作何繳還逐一詳議速報

一議估修城處所歲不順成百姓艱食使小民力役以養生興作之舉是亦荒政之一助部文令將五十四年各官俸銀捐出令窮民傭工修理城垣每工日給銀二分使貧民養贍但被災之處頗多城垣塌損俱在邊地一帶修城之處可以傭工不修城之處另宜設法今應通行被災各州縣衛所何處有城應修窮民現在若干名可以應役何處無城可修或挑渠或築堡以及架房穿井造窖等類凡有可以計工授值者俱逐一詳議確估酌派具報

一現貯實在糧數三年耕餘一年之食國無九年之蓄曰不足乃會計有糧倉貯無糧報虧空者累累若不得其實數則何處糧多何處糧少何處該為增添何處該為撥發無可稽查便難籌酌部文令將各案存倉糧石散給窮民若干撥給兵餉若干實在存倉若干一併查明具題今應通行各屬州縣衛所照舊管新收開除實在四柱冊式逐一開明造報該道府核明彙冊通報賚送後有動用仍隨時報明以備查考

一匿報災傷職名天災流行何國蔑有但地方各

官應隨時申報一面酌量安頓如報而不行題達咎在上司有災而竟不申報則罪在下屬部文以從前督撫為何不行查報以致百姓被災流散令將不行查報之該管官員查叅今應通行被災各屬州縣衛所查明從前各年某官於某月日申報某官不行申報該管道府於何日月據某官申報於何月日轉詳或據某官申報未經轉詳逐一查明據實速報

以上各條皆部文內切實應行之事合再飭知為此仰司官吏查照即便轉飭各該道府州縣衛

所等官逐一詳查妥議速行三春伊始農事正
殷倘一稍遲便失時候或何者宜爲先備得以
安集人民及時耕作或何者不妨略緩先使落
業安插再事徐圖或地土之別物產之異難以
畫一師其意不泥其迹應神明於各條之外者
俱令各出心裁明悉詳報毋疎緩毋遺漏毋擦
草苟簡以塞責而各屬之是否留心民事與行
政之得失用力之勤怠平時居官之殿最亦將
於此覘其大概毋違切速
甘肅布政司并移會

甘寧撫院

康熙五十三年十一月

日

飭查窩娼聚賭牌

爲嚴查窩娼聚賭以靖地方以肅官常事照得
守令各官分符而治一方職分雖不甚尊而南
面臨民儼然古封建侯伯之任其所以端教化
正風俗者皆於本官是賴惟恐小民之攫金而
攘利也賭博有禁惟恐佻達子弟之敗行而踰
檢也流娼與秧歌婦女有禁居官者欲禁民之
不敢犯乃羣犯之而不自禁其謂之何本部院
昔年在陝行查禁飭似覺略知檢束去年抵任
後聞在省各官有耽於飲酒聚而鬪爭并呼盧

嘉慶二十三年十一月

甘肅總督

角勝者曾行通行查禁此風亦覺稍為衰息近聞有等棍徒串通豪門子弟賃居大厦將在外娼妓公然搬接進城竟行窩藏每日酣歌宴飲而在城各官聽其蠱惑引類而潛至其家不顧吏役之竊笑不畏士民之譏談是何行徑成何體統該司維藩是任職任外臺風紀所司屬吏之蠱法妄行是亦各上司督察不嚴之咎合行飭查為此仰司官吏查照來文即將娼妓之現在城內者立行搜查驅逐其容留窩隱之家或文職或營員或係何紳士并從前往來遊宴之

各官職名開揭具報以憑叅處嗣後娼妓及秧歌婦女嚴飭門軍不許通同放進外委人員不時稽察查拿窩住之兩鄰地方鄉約即指名據實出首如或不遵別有發覺該司等不行揭報恐難免縱容失察之議矣

行西安布按二司

康熙五十三年十一月

日

奏明五十二年十一月
 戶部奏為
 查該處各屬被災從前各屬竟不
 申報任聽百姓流離溺職已為至極自去歲報
 災之後夏季散賑秋冬又賑以及今春又按口
 給糧分散籽種動用倉貯三四十萬乃夏間本
 部院會勘所至見各屬賑借等項絕無頭緒竟
 有乘機作弊浮冒朦混扣剋欺掩者甚多本部
 院已諄飭該司確察揭叅外今自本年冬季為
 始又復賑借兼行定期於明年春夏為止時日
 甚久用糧更多若任聽各屬從中混冒於真正

嚴飭實落賑借牌

為特行嚴飭事照得甘屬被災從前各屬竟不
 申報任聽百姓流離溺職已為至極自去歲報
 災之後夏季散賑秋冬又賑以及今春又按口
 給糧分散籽種動用倉貯三四十萬乃夏間本
 部院會勘所至見各屬賑借等項絕無頭緒竟
 有乘機作弊浮冒朦混扣剋欺掩者甚多本部
 院已諄飭該司確察揭叅外今自本年冬季為
 始又復賑借兼行定期於明年春夏為止時日
 甚久用糧更多若任聽各屬從中混冒於真正

窮民全無實益而倉貯庫藏半花銷於奸狡貪
墨之手不特
國法莫宥抑亦天譴難逃本部院下為民生上惜
國計屬員之不肖實深惡而痛恨之合行嚴飭稽
查為此仰司道府官吏查照來檄事理將現今
賑借糧石務查真正窮民下戶則賑中戶則借
戶口必查實在中下必要分明不得使窮戶遺
漏亦不得使奸民冒領并不得以新經回籍一
語捏增盈萬盈千戶口妄思朦混要在顆顆着
實戶戶均沾以無負

皇上軫恤邊民至意該司方伯重任該道職在監司
該府各屬師帥若不盡心經理膜視民艱置之
不顧徇隱屬吏聽信作奸不行查察揭報本部
院一有訪聞立即飛章叅究決不姑容慎切凜
切

行鞏昌布政司

寧夏涼莊二道平慶等四府

康熙五十三年十二月

日

墨之乎不特

乘熙五十三平十二日

國司屬員之不肖 率其京師二鼓平過殺四旗

皆為此而 什輩昌亦知反 賊事 將規全

四 皆為此而 正邪天下 則賊中 則信

第一首 故聞立明 飛章 參突 知不 故容 對財 票

不 隨 斷 斷 屬 吏 雖 計 於 秋 不 許 查 察 財 賄 本 陪

姑 蘇 各 屬 暗 相 送 不 盡 必 隨 野 難 財 月 曠 置 之

皇土 練 出 盡 月 至 意 慈 同 六 出 重 封 始 鼓 鄰 在 盟 后

